



1. Մի ահաւոր փոթորիկ է իմ շուրջը,
Շփոթված ու մոլորված է իմ ազգը,
Աղաչում եմ, Հիսոս ֓ Փրկիչ, ողորմիր,
Իմ հայ ազգին Քո երեսից մի՛ ձգիր:
2. Ախ, իմ ազգը վիրավորված, լքված է,
Կոտորված ու ջախջախված մի եղեգ է,
Աղաչում եմ, Հիսոս ֓ Փրկիչ, ողորմիր,
Որ առկայծող մեր պատրույգը չմարի:
3. Վիշտն է տիրում, սուգը, լացը իմ ազգին,
Որբացել են մանուկները իմ ազգի,
Աղաչում եմ, Հիսոս ֓ Փրկիչ, ողորմիր,
Իմ հայ ազգի մանուկներին հայր եղիր:
4. Հողմից ծեծված, վշտից լացած է ազգս,
Ցավի վրա ցավ են տալիս իմ ազգին,
Աղաչում եմ, Հիսոս ֓ Փրկիչ, ողորմիր,
Իմ հայ ազգին Քո վերքերով բժշկիր:
5. Ո՛վ իմ ազգս, Քո հայացքը վեր հառիր,
Նայիր երկինք, Հիսուս Տերը կկանչի.
«Եկե՛ք ինձի, բեռնավորված հոգնածներ,
Եվ իմ ուրախությանս մեջ տեղ գտե՛ք»: